




IZ RIBARSKE PRAKSE

DJELATNOST POSLOVNOG UDRUŽENJA



BRANA RADONIĆ,

Tokom mjeseca februara u Poslovnom udruženju privrednih organizacija slatkovodnog ribarstva se odvijala intenzivna djelatnost organa upravljanja. Donešene su važne odluke i analize u vezi poslovanja u 1967. godini i plana poslovanja za 1968. godinu.

Usvojene su izmjene u Statutu Udruženja. Umjesto posrednog samoupravljanja u Birou Udruženja preko Savjeta radne zajednice, usvojeno je neposredno upravljanje Radne zajednice. Unutarnja organizacija biroa je usaglašena s postojećim stanjem i potrebama. Broj članova izvršnog odbora je povećan od devet na jedanaest članova. Svi organi upravljanja će se ubuduće birati za period od dvije godine.

Donešen je pravilnik o unutarnjoj organizaciji i sistematizaciji radnih mjesta na temelju tih izmjena u statutu.

Usvojen je završni račun Poslovnog udruženja. Udruženje je uspješno poslovalo u 1967. godini. Izvoz i uvoz je ostvaren sa preko 30 miliona novih dinara, što je u odnosu na 1966. godinu povećanje za preko 50%, a u odnosu na plan to povećanje iznosi čak 80%. I plan izvoza šarana je premašen, iako je po obimu malen. Izveženo je 558 tona šarana, a ukupno ribe 937 tona. Žaba je izveženo najviše dosad — 203 tone. Udruženje je izvezlo i preko 11.000 tona kukuruza proizvodnje svojih članova, što je uslovalo tako veliko povećanje ukupnog izvoza.

Naročito velik uspjeh je postignut u uvozu. Plan uvoza je premašen za 133%. Udruženje je za svoje članove uvezlo specijalne kamione, inkubatore, postrojenja za farme nesilica, opremu za silos i tvornicu stočne hrane, plastične baze-

ne, mreže, oplodena jaja, udice, morsku ribu i razne rezervne djelove.

I ostala djelatnost je uspješno obavljena. Premašen je plan nabavke hrane za ribu, a naročito nabavke opreme i repromaterijala na domaćem tržištu. Plovni bager je izvršio svoj plan, a specijalni kamion je plan malo podbacio, ali je aktivno poslovaao.

U posebne uspjehe Poslovnog udruženja se može ubilježiti izdavanje »Priručnika za slatkovodno ribarstvo« za koga je utrošeno u 1967. godini preko 76 hiljada novih dinara ili ukupno više od 85 hiljada novih dinara.

Putem Udruženja ribnjačari su financirali naučnu ribarsku službu. Financirane su određene naučne teme korisne za unapređenje ribarstva i rješavanje proizvodnih problema. Za tu svrhu je utrošeno oko 196 hiljada novih dinara.

Usvojen je plan poslovnog Udruženja za 1968. godinu.

Plan poslovanja u izvozu i uvozu je nešto manji od ostvarenja u 1967. godini, jer Udruženje više neće izvoziti kukuruz, niti će uvoz opreme i repromaterijala biti tako obiman prema dosadašnjim zahtjevima članova. Međutim, plan izvoza ribe, žaba, puževa i ostalih »klasičnih« artikala je veći od ostvarenja u 1967. godini. I plan poslovanja na domaćem tržištu, planovi rada bagera i kamiona su veći od prošlogodišnjeg ostvarenja.

Novosti u prihodima Udruženja odnosno Biroa su znatne. Provizija za izvoz je smanjena, članarina je smanjena i više se neće koristiti za pokrivanje troškova biroa, nego samo za pokriće troškova »Ribarstva Jugoslavije«, a veći dio za reklamu i propagandu potrošnje ribe. U tu svrhu Udruženje već radi program istraživanja tržišta i propagande, koji bi se trebao ostvariti u 1968. godini.

Izabrani su novi organi upravljanja Udruženja za mandatni period od dvije godine.

Za predsjednika upravnog i izvršnog odbora je ponovo izabran drug BRANA RADONIĆ, direktor preduzeća »Šaran« iz Novog Sada, a za zamjenika Mr. ing. Bunjevac Ilija, direktor Združenog poduzeća »Poljana — Končanica — Siščani«.

Za predsjednika stručne sekcije za ribnjačarstvo je ponovo izabran Dr. ing. Ržaničanin Boris, a za predsjednika sekcije za visinske vode Raspopović Milutin.

Pred Udruženjem i novoizabranim organima upravljanja stoji nova godina rada u prelomnoj godini naše privredne reforme, a možda i u prelomnoj godini slatkovodnog ribarstva i našeg Udruženja.

Ing. Bojčić Cvjetan